



GODINA XI
Broj: 3-4/40-41

BILTEN

juli-decembar 2015.g.
ram..-r.evvel 1436/37.h.g.

Isterno informativno glasilo Medžlisa IZ-e Tešanj

RAMAZAN I RAMAZANSKI BAJRAM - 2015./1436.h.g. str. 4. i 5.



Iftar za profesore odgojno-obrazovnih ustanova



Tradicionalni bajramski prijem – Ukus - 17.07.2015.



Hafiska mukabela u Čarši-džamiji



Dan šehida – Donlagićka – 18.07.2015.

Hafiska dova hafiza mr. Almir ef. Hadžića; hadž i Kurban bajram – str. 6



Dovu je proučio muhafiz hafiz Ahmed ef. Bukvić prof.



Ispraćaj hadžija

Obilježena Hidžra – Nova 1437.h.g. – str.7

Obilježen 12. rebiu-l-evvel 1437.h.g. – str.8



*Miljanovci – Mevlud – centralna manifestacija
Obraćanje Muftije zeničkog mr. Ejub ef. Dautovića*



*Mr. Salih ef. Indžić dobitnik nagrade i priznanja
iz Fonda "Hasan ef. Škapur" - 23.12.2015.*

**RIJEČ UREDNIKA
BISMIL-LAHIR-RAHMANIR-RAHIM**

Poštovane džematlije,

Pred vama je dvobroj Biltena Medžlisa IZ-e Tešanj. Iz objektivnih razloga nismo bili u mogućnosti da ispoštujemo dosadašnju našu praksu. Nadamo se da ćete imati puno razumijevanje za ovu našu ispriku.

Sa ovim brojem Biltena završavamo još jednu kalendarsku godinu za koju možemo reći da je imala uzlaznu liniju u našem radu, što pokazuju ostavareni rezultati u mektebskoj nastavi, zekatu i sadekatu-l-fitru, hadždžu, ramazanskim aktivnostima, distribuciji štampe, javnim manifestacijama... Ovi rezultati su plod zatvorenog kruga kroz relaciju Rijaset, muftijstvo, medžlis, džemat, imam, predsjednik i blagajnik dž.o.

Ovo je prilika da iskažemo poštovanje svima njima spram uloženog truda čineći dovu Allahu dž.š. da im to ukabuli.

U stvari, sa ovim brojem ulazimo u kalendarsku 2016. g. kao organizovana zajednica muslimana kroz organe IZ-e u okviru kojih Medžlis IZ-e Tešanj ima 34 džemata, sa više od 11000 učlanjenih porodica.

IO medžlisa donosi potrebne akte i svoje nadležnosti kojima se postiže efikasnije funkcionisanje medžlisa. Tako je, nakon održanih sastanaka i konsultacija sa svim džematskim odborima, na svojoj sjednici od

30.12.2015. godine IO Medžlisa IZ-e Tešanj donio **Odluku o izmjenama i dopunama Odluke o uvođenju jedinstvene članarine IZ-e na području**

Medžlisa IZ-e Tešanj i to u članu 1. stavu 2. broj 5 zamjenjuje se bojem 6, broj 3 zamjenjuje se brojem 4 i broj 2 brojem 3, tako da stav 2. glasi:

I kategorija – bračni par – nosilac obaveze suprug 6,00 KM mjesečno

II kategorija – obveznik koji nije u braku 4,00 KM mjesečno

III kategorija – muški član stariji od 23 godine koji nije stupio u brak i živi sa roditeljima 3,00 KM mjesečno.

U članu 13. stav 2. iza riječi “danom njenog donošenja”, tačka se mijenja zarezom i dodaje novi tekst koji glasi: “**a primjenjivat će se od 01.04.2016. godine**” i dodaju nova dva stava koji glase:

“Svim obveznicima koji izvrše uplatu članarine za cijelu 2016. godinu po dosadašnjoj Odluci do 01.04.2016. godine tj. prije početka primjene ove Odluke, priznat će se izmirenje obaveze i za cijelu 2016. godinu.”

Naplata članarine za zaostale godine obračunavat će se tokom cijele 2016. godine prema dosadašnjoj Odluci tj. za I kategoriju 5,00 KM mjesečno, za II kategoriju 3,00 KM mjesečno i III kategoriju 2,00 KM mjesečno, a od 01.01.2017. godine prema ovoj Odluci tj. za I kategoriju 6,00 KM mjesečno, za II kategoriju 4,00 KM mjesečno i III kategoriju 3,00 KM mjesečno.”.

POZIV NA SARADNJU

Esselamu alejkum, poštovani čitatelji!

Pred vama je novi (dvo)broj Biltena Medžlisa IZ-e Tešanj. Ovo je još jedan naš pokušaj da damo skroman doprinos u prezentaciji našeg rada i aktivnosti i da ga približimo vama.

Javite nam se sa vašim primjedbama i sugestijama kako bismo zajednički što bolje prezentovali naš Medžlis.

Naša web stranica: www.miztesanj.ba,
e mail: iztesanj@bih.net.ba

AKTIVNOSTI IO MEDŽLISA

Izdvajamo:

Održane sjednice IO:

5. redovna – 30.07.2015.g.

predsjedavao predsjednik Zehrudin Kruško. Prisustvovalo 11 članova. Usvojen izvještaj o provedenim ramazanskim aktivnostima, prijedlog za iznajmljivanje vakufskog zemljišta. Potvrđena odluka o sergiji za Ajdina Muminovića.

6. (telefonska) - 23.08. 2015. g.

Usvojena Odluka o premještaju imama Sulje ef. Djedovića iz džemata O.

Planje u džemat Dobropolje-Mekiš.

7. redovna – 04.09.2015.g.

Usvojeni planovi: aktivnosti za početak nove mektebske godine, aktivnosti za Kurban-bajram, aktivnosti za Novu 1437.h.g., ...

8. redovna – 11.11.2015.g.

Usvojeni izvještaji o realizaciji planova aktivnosti za: početak nove mektebske godine, za Kurban-bajram, Novu 1437.h.g. , Zaključak o popuni dž.o. i zaključak o pokretanju inicijative za otvaranje obdaništa...



8. redovna sjednica IO

9. redovna – 30.12.2015.g.

Usvojene odluke: o izmjeni i dopuni Odluke o jedinstvenoj članarini, o privremenom finansiranju Medžlisa, o utvrđivanju osnovice za obračun plaće zaposlenim, o izdavanju pod zakup vakufskih nekretnina, o imenovanju komisije za popis, o uplati poreza i doprinosa na plaće zaposlenih, Izvještaj o realizaciji Plana aktivnosti u povodu 12. rebiu-l-evela, Pravilnik o izmjenama i dopunama Pravilnika o radu, unutrašnjoj organizaciji, sistematizaciji radnih mesta, kategorizaciji džemata, obavezama, pravima i plaćama ...

Bilten Medžlisa IZ-e Tešanj

Izdavač: Medžlis IZ-e Tešanj, za izdavača Zehrudin Kruško.

Glavni i odgovorni urednik: mr. Fuad ef. Omerbašić, tehnički urednik Rašid Orlović

Redakcija: Dževad ef. Hasanbašić, mr. Enver ef. Kurtić, hafiz mr. Almir ef. Hadžić i Suljo ef. Djedović prof., Saradnici imami MIZ-e Tešanj.

Hutbe, vazovi, predavanja ... Iz hutbe Resiu-l-uleme IZ-e u BiH mr. Husein ef. Kavazovića koju je održao u Begovoj džamiji u Sarajevu, a koju su pročitali svi hatibi u BiH i dijaspori – 20.11. 2015. g.

Hvala Allahu, Gospodaru svjetova, Milostivom, Svemilosnom. Zahvaljujemo Mu se na blagodatima koje nam je podario: na životu i zdravlju, na ljubavi i milosti. Od Njega tražimo uputu, oprost, milost i zaštitu od zla u nama i od zla u drugim ljudima. Koga Allah uputi na pravi put, niko ga s tog puta ne može odvratiti, a koga Allah ne uputi na pravi put, niko ga drugi ne može uputiti. Svjedočim da nema boga osim Allaha i svjedočim da je Muhammed Njegov Poslanik. Neka su Allahov blagoslov i mir na njega, na njegovu časnu porodicu i sve sljedbenike, koji slijede njegov jasni put i koji upućuju na dobro, a odvraćaju od zla.

Riječi su Božije: „Kada im se kaže: „Ne remetite red na Zemlji!“ – odgovaraju: „Mi samo red uspostavljamo!“ Zar!? A, uistinu, oni nered siju, ali ne opažaju.“(Baqarah, 11 – 12)

Braćo i sestre.

Islam je vjera mira. Mi muslimani, njegovi sljedbenici, u stalnom smo nastojanju da uspostavimo mir u sebi, u svojim porodicama i u društvu u kojem živimo. Naše muslimansko ime i određenje definirano je riječju "mir" i njenim najdubljim značenjem.

Taj mir u nama i oko nas naša je najveća snaga. Riječi su Božije:

A robovi Milostivoga su oni koji po Zemlji mirno hodaju, a kada ih bestidnici oslove, odgovaraju: "Mir vama!" (El-Furkan, 63)

U ovome sam jednom ajetu razumijemo svu plemenitost vjernika, iskrenih Allahovih pokornika, koji čak i bestidnicima zazivaju mir. To su istinski plemići ljudskoga roda.

Međutim, danas se taj poziv slabo čuje. Živimo u vremenu buke koju su zlikovci izazvali i nametnuli.

Braćo i sestre.

S mimbera naših džamija, kao i mnogo puta do sada, govorili smo o izazovima pred koje smo stavljeni. Nije prvi puta da je svijet, i muslimani u njemu, iskušan zloupotrebom naše časne vjere. Sjetimo se, da se to dešavalо i onima koji su bili bolji od nas – prvoj generaciji muslimana. I oni su ostajali zapanjeni brutalnošću zločinaca, koji nisu prezali ni od čega, i nisu se bojali pravde i njezine ruke. Njima, ni najbolji muslimani, kojima je sam Poslanik, a.s., zagarantirao Džennet (h. Osman i h. Alija) nisu bili dovoljno dobri muslimani. Ubili su ih!

Danas se nasilje u svijetu širi. Stradaju mnogi nevini ljudi.

Protiv toga dižemo naš glas! Osuđujemo bezumlje i zločine nad ljudima! Ne smijemo biti nijemi i zbumjeni kada se ubijaju nevini, kada se nameću teror i mržnja. Nemojmo dopustiti, da se povodimo za time, da cilj opravdava sredstva. Ubijanje nedužnih se ne može ničim opravdati.

Isto tako, ne smijemo imati nikakve dileme, da zlikovci ne predstavljaju ničiju vjeru, a naročito ne, da pripadaju našoj zajednici dobra i mira. Grijeh je saosjećati s njima. Također, ne možemo držati stranu ubicama nevinih ljudi u Gazi i Siriji, koji to čine za račun svjetskih sila. Nažalost, najbrojnije žrtve zločinaca i onih koji se protiv njih navodno bore, su muslimani. Od ukupnog broja nevinih žrtava u svijetu, ubijenih i stradalih u posljednjih nekoliko godina, preko 85% su muslimani.

Braćo i sestre.

Osnovni cilj naše vjere je dobrobit ljudskog roda! Muslimani treba da se bore da zaštite život, vjeru, razum, dostojanstvo, potomstvo i imovinu svakog ljudskog bića. Ugroziti neki od ovih temelja znači ugroziti ljudski rod.

Generacije muslimana dale su sve od sebe da se izgradi civilizacija zasnovana na dobru i razumijevanju. Njihova plemenitost, pravednost i posvećenost Božjoj riječi doprinijele su da milioni ljudi nađu svoj smiraj u okrilju islama. Tu našu tradiciju nam valja njegovati, čuvati i nju predočavati našim komšijama i drugima.

Muslimani nemaju pravo ostati zbumjeni i pometeni. A doimamo se kao da nas je silina zla i brutalnosti kojoj svjedočimo iznenadila i paralizirala. Nadahnuće moramo potražiti tamo gdje smo ga uvijek nalazili. Zato, okrenimo se Poslaniku, a.s., njegovoj pravovremenoj i blagotvornoj uputi: „Ko od vas vidi zlo, neka ga silom zaustavi, a onaj ko to nije u stanju neka ga javno osudi ili neka ga u srcu prezre, zaniječe i odbaci“.

Pozivam vlasti da silom zaustave sve one koji šire mržnju i prizivaju teror. Pozivam učene ljude da se javno suprostave zlu, da ga objasne i osude. Sada je potrebno da svi ustanemo i da ne dozvolimo da nas zlo pobijedi. Ne dozvolimo da strah ovlada našim čulima. Učinimo sve što je u našoj moći da mu se suprostavimo.

Pozivam sve dobronarmerne ljude da svojim nesmotrenim reakcijama na nedjela zločinaca ne pomažu njihovim ciljevima. Ne dopustimo im da stigmatiziraju cijelu našu zajednicu. Oni na to i računaju.

Pozivam mlade ljude da zaštite i sačuvaju svoju vjeru i zajednicu! Vi njoj pripadate, čak i više nego mi stariji. Pokažite ponos i dostojanstvo i, onako kako su naši preci znali braniti svoje vrijednosti, činite i vi: mudro, strpljivo i odlučno.

Pozivam sve koji misle da se nasiljem i terorom može riješiti nepravda, njihove učitelje, inspiratore, organizatore i pokrovitelje da se dozovu pameti, pokaju i napuste stranputicu i vrate u okrilje džemata i srednjeg puta.

Braćo i sestre.

U svemu što radimo, neka nam vodilja budu riječi našega Gospodara:

Ako neko želi veličinu – pa u Allaha je sva veličina! K Njemu se dižu lijepe riječi, i dobro djelo On prima. A one koji imaju hrđave namjere čeka patnja nesnosna, i njihovo spletkarenje je rabota bezuspješna. (Fatir,10)

Gospodaru naš.

Pomozi nam u našim stremljenjima da dobro i mir zavladaju među ljudima.

Raširi Svjetlo Tvoje vjere u našim srcima! Obasaj njime i one koji su u neznanju i zabludi.

Učini da Tvojom stazom snažno i odlučno hodamo, dostojanstveni i smjerni, vođeni lučom Tvoje neizmjerne milosti.

Unesi mir među nas. Odagnaj iz naših srca strahove i osnaži nas da se odbranimo od zla naših neprijatelja.

Gospodaru naš, oprosti nam naše grijehe i smiluj nam se. Tvojoj se milosti nadamo i molimo Te za nju.

Amin!

„RAMAZAN I RAMAZANSKI BAJRAM“, nastavak sa naslovne strane


Post i iftar

„Svaki covjekov posao se višestruko nagradjuje; dobro djelo se nagradjuje desetorostruko, do sedam stotina puta, a Allah Uzvišeni je rekao: - Osim posta, on je Moj i Ja za njega nagrađujem, on ostavlja svoje strasti i hranu radi Mene.“ (Hadis-Muslim).

Medžlis je samostalno ili u saradnji sa drugim subjektima organizirao iftare: za imame i članove IO - 23. 06. 2015. za profesore medresa - 27.06.2015. Brojni iftari su organizirani u džematima (Šije, Piljužići, Miljanovci Novi, Jevadžije, Oraš Planje...) -



Iftar za profesore



Iftar za zaposlenike i članove IO



Omladinski iftar Piljužići



Tradisionalni iftar u mesdžidu Gobelja

U atriju Medžlisa IZ-e Tešanj priređen je veliki broj komercijalnih iftara.

Mukabela

Učena u svim džamijama na ukupno 36 mjeseta sa ukupno 373 učaća..

Hafisku mukabelu u Čarši džamiji poslije ikindije-namaza učili su džematski imama mr. Enver ef. Kurtić i hafizi: Nermin Ibrahimović, Ahmed Bukvić, Almir Salkanović i EbuBekr iz Turske.

Sehurska mukabela u Čarši džamiji i Miljanovci Novi.

Mukabela za žene učena u džematima: Miljanovci, Miljanovci Novi i Raduša.

Mukabela polaznika mektebske nastave u džematu Miljanovci Novi.



Čarši džamija- hafiska mukabela

Teravih-namaz

Klanjan na 67 punktova, 20 rekata po takvimu, sa 31 stalnim imamom, 3 honorarna imama; 1 penzionisani imam, 9 učenika medresa, 4 studenta, 10 svršenika medresa, 9 teravih imama, 2 vjeroučitelja i to u 38 džamija, 26 mesdžida i 3 porodične kuće.

Održan seminar za imame, teravih imame i učenike medresa u Medžlisu IZ-e Tešanj 16.06.2015. g .

I ove godine na području Medžlisa IZ-e Tešanj boravio je gost iz Turske hfv. EbuBekr koji je obilazio džemate na teravih-namazu po rasporedu Medžlisa, u Čarši džamiji učio hafisku mukabelu i učestvovao u javnim programima Medžlisa.



Teravih namaz – imam hafiz iz Turske



Teravih namaz –profesor iz medrese

Prigodni programi

- **Tefsir** odnosnog džuza na hafiskoj mukabeli u Čarši-džamiji.

- **Kratko predavanje** u džamijama pred teravih-namaz,

- **17. noć – Lejletu-l-Bedr** – na prigodan način obilježina u svim džematinama, Jevadžije – *Omladinski iftar i mevlud*

- **27. noć – Lejletu-l-Kadr** – na prigodan način obilježina u svim džematinama, a tradicionalno centralna manifestacija u Čarši džamiji Tešanj, (program izvele učenice medresa, Kur'an učio hafiz iz Turske, obratio se mr. Enver ef. Kurtić, a dovu proučio glavni imam).



Čarši džamije–program učenica medresa

Zekat i sadekatu-l-fitr – „Uzmi od dobra njihovih zekat da ih njime očistiš i blagoslovjenim učiniš, i pomoli se za njih, molitva tvoja će ih, sigurno, smiriti. A Allah sve čuje i sve zna“ (Kur'an: Et-Tevbe,103).

Ove godine u Fond „Bejtu-l-mal,, na području Medžlisa IZ-e Tešanj prikupljeno je **11,30 %** više nego prošle.

Itikaf – Kao i ranijih, tako su i ove godine imami kao mutekifi boravili u itikafu u četiri džamije i to: Čarši džamija-mr. Enver ef. Kurtić, Jelah – mr. hafiz Almir ef. Hadžić, Miljanovci Novi Bersad ef. Kozlić prof., i, od ove godine prvi puta, u džematu Maračaj-Potočani-Muris ef. Braćkan.

Rad sa ženama - u saradnji sa glavnim imamom zaposlena muallima Fatima Ćeman organizirala rad sa ženama u ovogodišnjem ramazanu i to:

- sa 6 učenica svršenica III razreda medresa posjećeno 39 punktova i održano isto toliko prigodnih programa za žene,

- žene stručnjaci iz različitih oblasti održale predavanja ženama u džematinama i to: dr. Rezija Ajanović, dr. Azra Ibrahimović, mr. Emina Turalić, Nisveta Mudrov prof. i Alma Huskić prof.

Tema broja: –„Ramazan...“ , nastavak sa naslovne strane

Posjete-gosti – U toku ramazana ovaj Medžlis su posjetili profesori odgojno-obrazovnih ustanova IZ-e u BiH na zajedničkom iftaru i posjetili džemate u kojima su pred teravih namaz održali prigodna predavanja i to 27.06.2015.:

FIN- Sarajevo – dekan dr. Zuhdija Hasanović – Dibehkana džamija i mr. Senad Ćeman – Vukovo;

IPF Zenica – dr. Muharem Adilović – Jablanica i dr. Mensur Valjevac – Karadaglije-Koprivci-Oruče;

IPF Bihać – dr. Izet Terzić – Mrkotić-Putešić, dr. Fuad Sedić – Šije i Hamdija Mesimović – Trepče;

Behrambegova medresa Tuzla – direktor Ahmed Hatunić – Jelah, Mensur Husić – pomoćnik direktora Lepenica; Mehmedalija Čandić – pomoćnik direktora – Kutahya i Halil Mehanović prof. – Čarši džamija.

GHM Sarajevo – Salih Haušić prof. – Dobropolje-Mekiš, Mensur Kerla prof. – Avdipasina džamija i Munir Ahmetspahić prof. – Kalošević.

Elči Ibrahim-pašina Medresa Travnik mr. Asim Hodžić – Miljanovci, mr. Ahmed Omerdić – Raduša i Benjamin Malanović prof. – Kraševo.

Medresa „Osman ef. Redžović“

Veliko Čajno kod Visokog – hfv.

Zijad Dervić – Piljužići, Muhamed Mušinbegović – Džemilić Planje, Dženan Rezaković – Dolac-Kotlanice i Ermir Uznović – Miljanovci Novi.

Rijaset-Uprava za odgoj i obrazovanje Seid Eminagić – Hamzibegova dž.

Nezim ef. Halilović „Muderis“ i Edhem Čamđić, bivši banjalučki muftija 30.06. 2015.g., posjetili džemat Raduša.

Bivši Reisu-l-ulema dr. Mustafa ef.

Cerić 09.07 2015. godine – 23. noć ramazana posjetio džemat Miljanovci i u džamiji održao predavanje poslije teravih-namaza.

Glavni imam, sa Općinskim načelnikom 15. 07. 2015.g. posjetio 3 porodice šehida i to u Vukovu, Oraš Planjama i Tugavićima i pedijatrijski odjel Opće bolnice Tešanj i uručio hedije

**Ramazanski-Bajram -**

Bajram namaz - klanjan u svim džamijama na području Medžlisa. Kao i svake godine i ove godine džamije su bile prepune. Centralna bajramska svečanost održana je u Čarši-džamiji u Tešnju gdje je bajramsku hutbu održao glavni imam mr. Fuad ef. Omerbašić.



Prepun harem Čarši-džamije

Bajramski prijem – upriličen 1. dan Bajrama- petak 17.07. 2015. u 11,00 sati u restoranu „UKUS“ Tešanj, kome su prisustvovali: imami, članovi IO Medžlisa, predsjednici dž.o., Općinski načelnik sa saradnicima, vjećnici OV Tešanj i nosioci zakonodavne i izvršne vlasti na višim nivoima, predstavnici političkih partija, predsjednici MZ, predstavnici JP i ustanova, vakifi, privrednici i drugi saradnici Medžlisa IZ-e Tešanj. Svim prisutnim su se prigodno obratili i bajram čestitali glavni imam mr. Fuad ef. Omerbašić i Općinski načelnik mr. Suad Huskić.



Čestitka Općinskog načelnika



Dio prisutnih

Dan šehida – 2. dan bajrama –

obilježen u svim džematima prema Protokolu Rijaseta (proučena Hatma dova, Jasin i Fatiha pred duše šehida, posjećeni šehitluci).

U Medžlisu IZ-e Tešanj glavni imam priredio doček za delegaciju OPŠiPB, kome su prisustvovali i Općinski načelnik mr. Suad Huskić i predstavnik boračkih udruženja.



Posjeta delegacije OPŠiPB

Posjeta šehidima ukopanim u vakufskom mezarju „Đonlagićka“ gdje su Jasin pred duše šehida proučili imami Medžlisa IZ-e Tešanj i Doboј, Fatihu svi prisutni, a hatma dovu glavni imam Medžlisa IZ-e Tešanj mr. Fuad ef. Omerbašić koji se i prigodno obratio prisutnima.



Đonlagićka - Jasin pred duše šehida



Jevadžije- Jasin pred duše šehida

Hafiska dova hafiza mr. Almir ef. Hadžića, imama džemata Jelah

U džamiji džemata Jelah 05. 09.2015.godine poslije podne-namaza proučena je hafiska dova i u hafiza Kur'ana Časnog promoviran mr. Almir ef. Hadžić.

Prije dove ajete Kur'ana Časnog učili su hafizi: Almir ef. Salkanović prof., Nermin ef. Ibrahimović prof., Nedžad ef. Ćeman prof., Anes Mulić te muhafiz Ahmed ef. Bukvić prof, nakon čega su se prisutnima obratili glavni imam mr. Fuad ef. Omerbašić, muftija zenički mr. Ejub ef. Dautović i izaslanik Resiu-l-uleme i predsjednik Komisije za hifz hafiz Ismet ef. Spahić koji je i uručio diplomu hafizu Almir ef.

Predsjednik Fonda Bošnjaci Šahin Kerla je hafizu uručio prigodan poklon, u ime Medžlisa poklon uručio predsjednik IO Zehrudin Kruško, a u ime džemata predsjednik dž.o. Kasim Alić.

Uz familiju Hadžić, brojne džematlike, zvaničnike privrednog, političkog i društvenog života Općine Tešanj, svojim dolaskom podršku hafizu Almir ef. džematu Jelah i medžlisu Tešanj dali su i direktor fondacije za hifz u BiH dr. Džemal Muslih, dr. Almir Fatić i mr. Senad Ćeman, te brojne kolege imami.
Dovu je proučio muhafiz Ahmed ef., Bukvić prof.

Hafiz mr. Almir ef. Hadžić je rođen 25.10.1969.god. u Tešnju od oca imama Halida ef. i majke Safije. Nakon završene osnovne škole „9. septembar“ u Medakovo upisao je Gazi Husrev-begovu medresu u Sarajevu koju završava 1988. godine, potom Islamsku pedagošku akademiju u Zenici 1997. godine. Fakultet islamskih nauka u Sarajevu 2000. godine. Magistrirao je na istom fakultetu 2013. godine iz oblasti tefsira. U periodu od 21.6. do 4.7. 2015. godine polagao je hifz pred komisijom Rijaseta IZ-e. Muhamfiz mu je bio hafiz Ahmed ef. Bukvić, imam Hamzi-begove džamije u Tešnju. Kao imam, hatib i muallim zaposlen je od 1990. godine. Imam džemata Jelah je od 1992. godine. Objavljivao je stručne radove u Takvimu, Preporodu, Novom muallimu, Glasniku, Novim horizontima. Proglašen je za najboljeg muallima u 2015. god. na području Medžlisa IZ Tešanj. Oženjen je i otac dvoje djece. Supruga Mirsada je dugogodišnji nastavnik Islamske vjeronauke, a kćerka Ehlimana je završila Medresu u Tuzli i takođe uči hifz.



Hafiz sa zvanačinicima i uručenom diplomom



Hafiz mr. Almir ef. sa porodicom

HADŽ I KURBAN BAJRAM

Zajednička Ikrar dova i ispraćaj ovogodišnjih hadžija održana 9. septembra 2015. g. u Kutahya džamiji: 1. grupa (manji broj hadžija) u noćnim satima, a druga grupa – veći broj hadžija poslije podne-namaza. Ove godine je na hadž putovalo 55 hadžija što je rekordan broj do sada sa područja Medžlisa IZ-e Tešanj. Pored hadžija navedenih u Biltenu broj: 2/39 na hadž su potovali i: Okanović Ibrahim ef. kao bedel za Elkaz Selvu, Rašid Orlović kao bedel za Agić Umiju, Hasan Halilović kao bedel za Agić Ahmeta, Omerbašić Hazim i Sadeta, te hafiz Nermin ef. Ibrahimović kao vođa puta i njegova supruga Aida Ćeman. U navedenom Biltenu ispod slike Jašić Bećira greškom je upisano da putuje kao bedel za Šuškić Izeta, a treba da stoji za Hotić Zinetu.

Bajram-namaz - klanjan u svim džamijama prvi dan Bajrama 24. 09. 2015. g. u 7,14 sati, a u vremenu između sabaha i bajram-namaza imami u svim džamijama održali prigodna predavanja. Centralna svečanost u Čarši-džamiji u Tešnju gdje je hutbu održao i bajram-namaz predvodio mr. Enver ef. Kurtić.

Prikupljanje kurbanskog mesa – za narodnu kuhinju pri Medžlisu IZ-e Doboj i rehabilitacioni centar Duje, meso prikupljano sa područja cijelog Medžlisa na jednom sabirnom mjestu u Tešnju zbog potrebe privremenog deponovanja u hladnjaču i to prvog i drugog dana Bajrama. Prikupljeno i predato oko 3 tone mesa.

Kurbanske kožice prikupljene iz svih džemata. Ukupno prikupljeno 649 govedih kožica i 3023 ovčijih što je za 22 govede i 363 ovčije više nego prošle godine.

Uplate kurbana za medrese – putem blagajne ovog Medžlisa uplaćeno 182 kurbana što je za 27 više nego prošle godine.

Bajramski prijem – organiziran drugi dan Bajrama poslije jacije-namaza u atriju Medžlisa IZ-e Tešanj. Prisutni: imami, saradnici Medžlisa, predstavnici Općine, predstavnici Crkve - katoličke i pravoslavne i dr. Prisutnima se obratio i Bajram čestitao izaslanik glavnog imama mr. Enver ef. Kurtić.

OBILJEŽENA HIDŽRA – NOVA 1437.H.G. - IZ BOGATOG PROGRAMA IZDVAJAMO

Prigodni programi u svim džematima – utorak 13.10.2015.g. poslije akšama ili jacije namaza uz obraćenje džematskih imama.

Tešanjka – Mevlud – 08.10. 2015. godine. Mevlud proučili imami ,a prigodno se obratio glavni imam.

Čarši-džamija - Čas historije i podjela prigodnih paketića polaznicima mektebske nastave iz Šarenog mekteba (za sve gradske džemate) - utorak 13.10.2015.g. poslije akšam-namaza.

Miljanovci Novi – Mevlud i podjela svjedodžbi o završenoj hatmi odraslim – utorak 13.10.2015.g. poslije jacije-namaza. Program su izveli polaznici mektebske nastave, a prisutnima se prigodno obratili džematski imam Bersad ef. Kozlić prof. , glavni imam Medžlisa IZ-e Tešanj mr. Fuad ef. Omerbašić i muftija banjalučki dr. Osman ef. Kozlić, koji je uručio i svjedodžbe o završenoj hatmi za 8 odraslih polaznika halke učenja Kur'ana u ovom džematu i to: Hadžan Enes, Okić Mirzet, Klepić Aldina, Klepić Samra, Brković Umihana, Brković Mihreta, Jacić Suada i Smajić Samira, a glavni imam svakom po primjerak Mushafa.

Jevadžije – Prigodan program u džamiji priredili svršenici medresa iz ovog džemata, (koji se tradicionalno svake godine organizuje ovim povodom) i održan zajednički čas mektebske nastave na temu „Hidžra“ koji su pripremili i prezentirali odrasliji polaznici na velikom ekranu- 13. 10.2015.g.

Kutahya džamija – Prigodan program (Jasin i dova za duše vakifa uz podjelu prigodnih hedija posjetiocima) u saradnji sa Ambasadom R. Turske – petak 16.10.2015.g. prije džuma-namaza. Hutbu održao i džumu klanjao glavni imam.



Čarši džamija



Miljanovci Novi



Kutahya-džamija

6. Miljanovci – džamija na Palučku – Mevlud – centralna manifestacija Medžlisa – Mevlud proučili imami medžlisa IZ-e Tešanj, a prisutnima se prigodno obratili džematski imam, glavni imam i Muftija zenički mr. Ejub ef. Dautović - subota 17. 10. 2015.g. (4. muaharrema 1437. h.g.) poslije podne-namaza.

7. Bukva – Glavni imam održao čas na temu Hidžre i podijeljeni prigodni paketići polaznicima mektebske nastave u Kutahya džamiji za polaznike iz Bukve, Čifluka, Logobara i Kutahya džamije uz prisustvo njihovih muallima i roditelja – 17. 10.2015. g.

8. Raduša – Održana novogodišnja akademija polaznika mektebske nastave u džamiji poslije podne-namaza (učenje Kur'ana, ilahija i recitacija) i podijeljeni prigodni paketići svim polaznicima mektebske nastave.

9. Oraš Planje -Večer Kur'ana i dova za šehide - nedjelja 18.10.2015.g. poslije akšam-namaza. Uz učešće učača hafiza i obraćanje džematskog imama Muris ef. Mahalbašića, glavnog imama i dr. Muharema Štulanovića. U toku programa predsjednik dž.o. Oraš Planje je uručio prigodan poklon dosadašnjem imamu Sulji ef. Djedoviću prof.

10. Ašura – tradicionalni 23. po redu - prigodni program u Avdipašinoj džamiji u Tešnju izveli imami i hor nakšibendijске tekije, a prisutnima se prigodno obratili: mr. Enver ef. Kurtić u svojstvu izaslnika glavnog imama i hafiz Nedžad ef. Ćeman prof. - četvrtak 22. 10. 2015. g. poslije jacije-namaza.

11. Promocija knjige „ Poruke za raju iz Raja“ hafiza Sulejmana Bugarija – održana u prepunom atriju medžlisa IZ-e Tešanj, 29. 10.2015. g., u 18,30 sati. Promotori bili Arif Ajeti i autor. Moderator glavni imam.



Miljanovci



Promocija knjige



Oraš Planje

OBILJEŽEN 12. REBIU-L-EVVEL 1437.H.G. - IZ BOGATOG PROGRAMA IZDVAYAMO

1. 05. 12. 2015. g. **Predavanje za žene** u Medžlisu IZ-e Tešanj poslije jacije-namaza održale muallima Fatima Ćeman i hafiza Hidajeta Omerbašić.
2. 10. 12. 2015.g. **Večer Kur'ana u Čarši džamiji** - poslije jacije-namaza. Kur'an učili tešanjski hafizi: Nermin ef. Ibrahimović prof. , Ahmed ef. Bukvić prof., mr. Almir ef. Hadžić i Almir ef. Salkanović prof., a prisutnima se prigodno obratio glavni imam i džematski imam mr. Enver ef. Kurtić.
3. 12. 12. 2015. g. **Uručene svjedodžbe o završenoj hatmi odraslim u džamiji Miljanovci** – poslije jacije-namaza. Po primjerak Mushafa i svjedožbu za 19 odraslih svršenika Hatme halke učenja Kur'ana u ovom džematu uručio je glavni imam, a predsjednik džematskog odbora prigodne hedije. Hatme su završili: Ćeman Edisa, Husanović Edina, Klepić Paša, Klepić Edina, Klepić Sajda, Omerbašić Saliha, Lekić Rebija, Lekić Mersiha, Omerbašić Senada, Omerbašić Esma, Omerbašić Sadeta, Omerbašić Rezija, Karahmet Jasmina, Karahmet Vahid, Smajić Abdusamed, Lekić hadži-Muharem, Lekić hadži-Muhamed, Klepić hadži-Redžo i Ramić Meho

*Predavanje za žene**Večer Kur'ana u Čarši-džamiji**Hatme odraslih –Miljanovci*

4. 17. 12. 2015. – **Održana promocija knjige „Muhammed a.s. Poslanik čovječanstvu“** u Atriju Medžlisa IZ-e Tešanj poslije jacije-namaza. Promotori: Alem Crnkić, glavni imam Medžlisa IZ-e Sisak, doc. dr. Nezir Halilović i autor Mirza Mešić. Moderator glavni imam. Sav prihod od prodaje knjiga ide za izgradnju islamskog centra u Sisku.
5. 18.12.2015. – **Održana tribina u džamiji Dobropolje-Mekiš** – poslije jacije-namaza, gost Muhamed ef. Velić.
6. 20.12.2015. – **Održana tribina u džamiji Oraš Planje** – poslije jacije-namaza, gost dr. Šefik Kurdić, Tema: „Poslanik a.s. simbol dobrote i ljepote“.
7. 22.12.2015. – **Proučen Mevlud u džamij Bukva** poslije akšam-namaza uz obraćanje džematskog imama Ibrahima ef. Okanović i glavnog imama.
8. 22.12.2015. – **Proučen Mevlud u džamij Piljužići** poslije jacije-namaza uz obraćanje džematskog imama Sadulah ef. Salkanovića i glavnog imama.
9. 23. 12. 2015. - **Proučen Mevlud u Čarši džamiji i dodijeljeno priznanje i nagrada iz Fonda „Hasan ef. Škapur“** poslije podne-namaza mr. Salih ef. Indžiću, glavnom imamu Medžlisa IZ-e Travnik. Mevlud su proučili imami Medžlisa IZ-e Tešanj. Muftija zenički je uručio priznanje, a predsjednik IO Zehrudin Kruško nagradu. Prigodno su se u toku programa obratili džematski imam mr. Enver ef. Kurtić, glavni imam, dobitnik nagrade i priznanja mr. Salih ef. Indžić, direktor medrese u Travniku Šošić i Muftija zenički mr. Ejub ef. Dautović.
10. 24.12.2015. – **Održana tribina u Dibekhana-džamiji** – poslije jacije-namaza, gost dr. Nusret Isanović. Tema: „Poslanik a.s. kao najbolji uzor za muslimane“.
11. 25.12.2015. godine – **Uručene vakufname vakifima u džamiji Raduša** – poslije jacije namaza uz prigodna obraćanja džematskog imama Rame ef. Svrze prof., glavnog imama i dr. Mustafe Hasanija.
12. 26.12.2015. godine – **Održano takmičenje polaznika mektebske nastave Šarenog mekteba iz Sire**
13. 26. 12. 2015. g. **Predavanje za žene** u Medžlisu IZ-e Tešanj poslije jacije-namaza održale muallima Fatima Ćeman, Nisveta Mudrov i Alma Huskić. Tema „Žene uz Poslanika“.
14. 27.12.2015.godine – **Proučen tradicionalni mevlud u džamiji Tešanjka** – poslije podne-namaza. Mevlud proučili imami medžlisa IZ-e Tešanj uz obraćanja Mustafe ef. Balića prof. , glavnog imama i mr. Mustafe Prljače.
15. 27. 12. 2015. g. **Održan tradicionalni 10. mevlud učenika OŠ „Džemal Bijedić“ Miljanovci u džamiji Novi Miljanovci** poslije jacije-namaza uz obraćanje glavnog imama i uručenje Vakufname za uvakufljene zemljiste pred duše rahmetli roditelja Rašid ef. i Tajibe djeci Fuad ef. Omerbašiću, Enesu Omerbašiću, Enisi Hukić i Fuadi Kurtić.
16. 27. 12.2015. **Održan 10. tradicionalni malonogometni turnir učenika OŠ Huso Hodžić.**

*Promocija knjige**Čarši džamija – učesnici na mevludu**OŠ Huso Hodžić - turnir*

IZ DŽEMATA, MANIFESTACIJE, DOGADAJI...

Radni sastanci sa džematskim odborima – održani u novembru i decembru 2015. godine u Medžlisu - razmatrana organizacije vjerkog života, administrativno-pravno i finansijsko poslovanje u džematima.



Sa džematskim odborom. Kalošević

Džemilić Planje -01.08.2015.džemalije na čelu sa imamom Haris ef. posjetili Srebrenicu i Potočare.



Dolac-Kotlanice – 23. 08. 2015. - Proučen tradicionalni mevlud „na bašći“. Mevlud proučili imami MIZ-e Tešanj. **Lepenica** – 30.08.2015. - Proučen tradicionalni mevlud. Mevlud proučili imami Medžlisa IZ-e Tešanj. Prigodno predavanje održao Salih ef. Haušić prof.

Dobropolje-Mekiš – 01.09.2015. – Na službu imama, hatiba i muallima stupio Suljo ef. Djedović prof.

Oraš Planje – 09.09.2015. - Na službu imama, hatiba i muallima stupio Muris ef. Mahalbašić.

Novo Selo – 06.09.2015. - Proučen tradicionalni mevlud. Mevlud proučili imami Medžlisa IZ-e Tešanj. Prigodno predavanje održao hafiz Alija ef. Rahman prof.

Veče İlahija – 09.09.2015. – Održano u atriju Medžlisa sa učešćem hora sufijске muzike iz Kutahye.

Ljetinić – 20.09.2015. - Proučen tradicionalni mevlud. Mevlud proučili imami Medžlisa IZ-e Tešanj. Prigodno predavanje održao mr. Enver ef. Kurtić.

Piljužići – izvršena rekonstrukcija centralnog grijanja i postavljeno novo ozvučenje u džamiji.

Atrij Medžlisa IZ-e Tešanj – 20. 11. 2015. Predavanje na temu „Značaj preventivnih pregleda rizičnih grupa stanovništva u sprečavanju nastanka malignih bolesti“ održao dr. Rifat Sejdinović.

Lepenica – 06.11.2015. – Održano predavanje za žene, predavač Sara Sabri. „Hoću da ti šapnem...kao žena ženi“.

Oraš Planje – 22.11.2015. – Održana tribina. Tema „Vjera je savjet“, predavač Aljo ef. Cikotić.

Opremanje mektebskih učionica: Sredstvima zekata i sadekatu-l-fitra koja pripadaju Medžlisu opremljene novim klupama i stolicama mektebske učionice u džematima: Tešanjka, Karadaglige-Koprivci-Oruče, Čifluk i Kamenica.



Tešanjka



Karadaglige-Koprivci –Oruče



Kamenica

INFRASTRUKTURA

Dolac-Kotlanice – 30.07.2015. Završeno krečenje munare**Dibekhana džamija** – 19.09.2015. Završeno prepokrivanje džamije sa novim biber crijeponom.**Harman džamija** – 16.07.2015. Završeno ogradijanje harema i uređenje džamije.**Karadaglje-Koprivci-Oruče** – 10.11.2015. završena rekonstrukcija mektebske učionice i vakufske kuće.**Jablanica** – Popločan harem džamije i mekteba.**Čarši-džamija** - 28.08.2015. otkupljen, ranije oduzeti, ćefenak i podrum u vakuf Čarši- džamije.**Mrkotić-Putešić** – Završeno uređenje gasulhane i mokrog čvora.**Šije** Završeni radovi na postavljanju nove prostirke i stolarije na džamiji

POSJETE

Bosanskoj Dubici - u povodu Nove 1437. h.g. u Puhalskoj džamiji imami Medžlisa IZ-e Tešanj proučili mevlud, a obratio se glavni imam mr. Fuad ef. Omerbašić



Tuzli i Behram-begovoj medresi- 19. 12. 2015.
Omladinskog kruga Medžlisa IZ-e Tešanj.



Delegacije radija Bir – 06.11.2015.godine



Delegacije iz Turske - Muftiluka Gaziosmanpaşa
18.11. 2015. u okviru posjete Muftiluku zeničkom.



Organizaciјi RVI Tešanj - 03. 11. 2015. godine zajednička delegacija Medžlisa IZ-e i OO Ilmijje posjetila Organizaciju RVI Tešanj.



Musti Plančiću – 05. 11. 2015. članu IO Medžlisa IZ-e Tešanj i blagajniku džemata Jablanica.



Delegacije iz Bosanske Dubice – 16.12.2015.



Delegacije MIZ-e Doboj i EMMAUS-a- 19.11.2015.
i uručenje zahvalnica Medžlisu za kontinuiranu pomoć.



EDUKACIJA

Članova džematskih odbora – u Tešnju, Atrij Medžlisa IZ-e Tešanj – 20.10.2015.godine. Obrađene teme i predavači: Organizaciona šema IZ-e – Džafer ef. Gračić, Normativi i standardizacija – mr. Fuad ef. Omerbašić, Jedinsvena i centralizirana članarina – mr. Jakub ef. Salkica i Sulejman ef. Efendić, Vakufska imovina – Izet ef. Efendić i Položaj IZ-e i Muslimana u RS – mr. Bajro ef. Džafić. Završnu riječ održao je Muftija zenički mr. Ejub ef. Dautović .




Zenica, Ensar džamija, 08.12.2015.g. - Susret sa Reisu-l-ulemom imama, glavnih imama i predsjednika IO.



Zenica, Medžlis, 17.12.2015.g. – seminar Vakufske direkcije za predsednike IO, glavne imame i sekretare.



Tešanj, Medžlis, 06.11.2015.- V stručni seminara za imame – predavač Emir ef. Hodžić prof.



Tešanj, Medžlis, 01.12.2015.- VI stručni seminara za imame – predavač Fuad ef. Ćeman prof.



Tešanj, Medžlis, 15.12.2015.- VII stručni seminara za imame – predavač Hajrudin ef. Delić.



Tešanj, Medžlis, 29.12.2015.- VIII stručni seminara za imame – predavač Hamzalija ef. Lekić.

